

Upoznajte se sa svojim pravima

30 članova Univerzalne deklaracije o pravima čovjeka veoma jasnom i jednostavnom terminologijom ustanovljavaju prava koja jednako pripadaju svakoj osobi na zemaljskoj kugli. Ova prava su vaša prava. Upoznajte se s njima i pomozite njihovom promovisanju i njihovoj odbrani, zbog sebe samih i zbog svih ostalih ljudi. Vaša prava mogu biti ograničena samo u određenim okolnostima kao što je u slučaju zaštite prava drugih ljudi. Nijedna osoba i država ne mogu koristiti nijedan od članova Univerzalne deklaracije da bi opravdali kršenje prava koja nam svima podjednako pripadaju.

Član 5

„Niko ne smije biti podvrgnut mučenju ili svirepom, nečovječnom ili ponižavajućem postupku ili kazni.“

Mučenje je zabranjeno u bilo koje vrijeme i u bilo kojim okolnostima. Niko ne smije biti izložen postupku ili kazni koji su svirepi ili nečovječni. Ova pravila važe na svakom mjestu - u policijskim stanicama, zatvorima, na ulicama, u vrijeme mira ili rata.

Član 18


„Svako ima pravo na slobodu misli, savjesti i vjeroispovijesti.“

Imate pravo da izrazite svoje mišljenje u vezi sa bilo čim bez straha od kažnjavanja ili osude. Takođe imate pravo da vjerujete u bilo koju religiju - ili nijednu. Imate pravo na promjenu religije, njenu manifestaciju, te obavljanje religioznih obreda i nastave.

Ljudska prava za svijetu

Sva ljudska bica, gdje god da žive i ko god da su, imaju prava koja moraju biti poštovana u bilo kojim okolnostima. Ova prava su zacrtana u Univerzalnoj deklaraciji o pravima čovjek. (UDHR), proglašenoj u Ujedinjenim nacijama 10. decembra 1948. godine. Ona su apsolutno fundamentalna za svaki dobro. Usprkos tome, vlade širom svijeta neuvažavaju ova prava. Svako od 30 prava u Univerzalnoj deklaraciji o pravima čovjeka - od prava na jednakost do prava na učešće u kulturnom životu - se svakodnevno krši negdje u svijetu. Ovo je razlog zbog kojeg *Amnesty International* vjeruje da je vrijeme da se vlade još jednom podsjetite na principe ljudskih prava za koja su se obavezale da će poštovati. Ako ljudi znaju svoja prava, bolje će ih braniti. Zbog toga je građenje svijesti o Univerzalnoj deklaraciji o ljudskim pravima veoma važno. Za ljude u nekim zemljama, borba za ljudska prava je opasna. To je razlog zbog kojeg ova kampanja ima za cilj izgradnju međunarodne solidarnosti sa ljudima koji su na prvoj liniji fronta u borbi za ljudska prava. Pridružite nam se.

Za više informacija obratite se Amnesty International, International Secretariat, 1 Easton Street, WC1X 8DJ, United Kingdom.



Ngwang Sangdrol

Zatvorena zbog izražavanja svojih vjerovanja

„Bez obzira kako teško smo tučeni, naše povezane ruke ne mogu biti razdvojene... Doći će vrijeme kada će sunce sijati kroz oblake.“

Sihovi jedne od pjesama koju su snimile zatvorene opatice




amnesty international

Zatvorena zbog izražavanja svojih vjerovanja

Ngvjang Sangdrol je budistička opatica koja vjeruje da bi Tibet trebao biti nezavistan od Kine. Kineske vlasti su je osudile na 18 godina zatvora zbog izvikivanja slogana kao što je „Slobodan Tibet”, pjevanja pjesama o njegovoj nezavisnosti i učestvovanja u mirovnim protestima. Njnim zatvaranjem prekršeni su članovi 18 i 19 Univerzalne deklaracije o pravima čovjeka koji garantuju slobodu savjesti i izražavanja.

Ngvjan Sangdrol je prvi put uhapšena 1990. godine u gradu Lhasa nakon učestvovanja u demonstracijama za nezavisnost Tibeta, a koje su trajale manje od pet minuta. Privorena je na četiri mjeseca. 1992. godine, Ngvjang je ponovo zatvorena nakon organizovanja demonstracija za nezavisnost Tibeta u centru Lhase. Osuđena je na tri godine zatvora. U 1993.



Budističke opatice u Lasi

godini ova presuda je povećana na devet godina kada je Ngvjang zajedno sa trinaest drugih opatica osuđena za komponovanje i snimanje pjesama o nezavisnosti Tibeta unutar zidova zatvora Drapči. Pjesme su snimljene na kasetofonu koji je prokrijumaćaren u zatvor. Nakon toga kasete je tajno kružila Tibetom. Na ovoj kaseti svaka opatica je posvetila jednu pjesmu ili poemu svojim pristalicama. „Svima koji ste učinili sve što možete za nas u zatvoru, mi smo duboko zahvalne i nećemo vas nikada zaboraviti”, kaže

jedna pjesma. „Mi smo tučene i maltretirane”, kaže jedna druga, „ali to nikada neće slomiti ustrajnost tibetanskog naroda.” Kršenjem odredbi člana 5 Univerzalne deklaracije o pravim čovjeka koji zabranjuje mučenje i zlostavljanje, tibetanski politički zatvorenici su često mučeni i zlostavljani. Usprkos njenim patnjama Ngvjang je nastavila da izražava svoja vjerovanja. Tokom kažnjavanja zbog povrede zatvorskih pravila u 1996. godini, Ngvjang je uzviknula „Slobodan Tibet”. Kao rezultat toga zajedno sa četiri druge opatice koje su takođe bile kažnjavane, zatvorska straža ju je neprestano tukla a kasnije, izdvajala za žestoka kažnjavanja. Držana je u samici nekoliko mjeseci sa smanjenim porcijama hrane. U julu 1996. godine njena zatvorska presuda je udvostručena na 18 godina postajući tako najduža osuda za ženu političkog zatvorenika u Tibetu.

Šta vi možete učiniti

Zatvorenik savjesti Ngvjang Sangdrol je osuđena na 18 godina zatvora zbog otvorenog podržavanja nezavisnosti Tibeta. Njoj su uskraćena prava za koja se svijet obavezao da nikada ne smiju biti prekršena. Zahitjevajte njeno bezuslovno oslobođenje. Pište na adresu:

President of the Tibet Autonomous Region
Gyaltzen Norbu Zhuxi,
Xizang Renmin Zhengfu,
1 Kang'andonglu,
Lasashi 850000
Xizang Zizhiqu,
People's Republic of China



Potpisite se u knjige koje kruže svijetom i u kojima se nebrojeni drugi ljudi obavezuju da će učiniti sve što je u njihovoj moći da promovišu ljudska ljudska prava proglašena u Univerzalnoj deklaraciji o pravima čovjeka